



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

Articulus VII. De probatione legitimorum natalium?

[urn:nbn:de:hbz:466:1-73058](#)

hæc pendeat à quæstione legitimatis: si autem causa legitimatis primo intentetur apud Judicem Ecclesiasticum, non potest cùpendente moveri causa hæreditatis apud Judicem secularē, ut patet ex c. Tua. 3. de ord. cognit. ubi causā legitimatis, qua fuit mota Reginæ Cypri, pendente, apud Papam prius intimatā, quæstio successionis impugnari non debet à Rege Galliæ, qui eam excludere volebat titulo illegitimatis, donec illa prior terminaretur.

1475. Difficultas adhuc est ex c. Lator, quo jure nepos, petens hæreditatem avi, Patrio impugnante legitimatem parentis ejus, & afferente, fuisse tantum naturalem, potuerit jus successionis in bona avitica postulare? Resp. quod dupliciter; primo, si ostendit, securum fuisse legitimū matrimonium inter avum, & aviam vivo parente suo, ut colligi potest ex dictis; vel etiam si natalibus restitutus est, aut iuralegitimorum in eum inducta sunt, etiam eo jam defuncto, ut dictum est supr. si enim probavit primum, habuit jus successionis iure representationis; si secundum, iure legitimatis per dicta superius. Accedit, quod fortasse potuerit ostendere, Patrem verē fuisse legitimū, quā verō via processerit? textus non exprimit. V. artic. seq.

ARTICULUS VII.

De probatione legitimorum natuum?

1476. Tria hoc titulo capitula tractant, hanc quæstionem; cùm ex multis capitulo, in petitione hæreditatis, allegans titulum filii, à ceteris impugnari possit; hinc quæstio est. 1. an rectè probetur filiation ex eo, quod quis fuerit nutritus in domo aliquius? Resp. negativè ex c. Transmissæ, 3. b. t. Frequenter enim fit, aliquos, qui nullo modo sunt filii, causâ pietatis, vel ex alio capite, nutriti, ac educati. Casus iste ab Archi- Episcopo Rothomagensi propositus fuit Alexandro III. eidem sic rescribent: Transmissæ nobis tuæ litteræ continebant, quod, cùm N. usque ad juventutem quendam nutritivissim, Uxor sua M. tunc non desponsata sibi cohabitante, postmodum ipsam legitimè sponsavít, & filios sustulit ex eadem: qui-

bus paternam hæreditatem petentibus, prædictus juvenis contradicit, gerens se filium, & hæredem, quamvis à vicinia, que ipsum filium eorum essi credebat, spurius diceretur: prædicti verò N. & Uxor eius præfatum juvenem, spuriū suum, aucteritum filium esse, negabant, sed dicebant, quod eum pietatis intuitu nutriti sunt. Cùm autem quæstio coram temore esset, & prædictus juvenis pro eo, quod iuri stare solebat, vinculo sit excommunicationis adstricatus: Consul. tua respondemus, quod in tali casu standum est verbis viri & mulieris: nisi certis indiciis, & testibus, tibi constiterit esse filium, juvenem memoratum.

Ex hoc textu not. 1. filiationem alij, cuius non rectè probari ex præmisso titulo, licet etiam fama vicinæ idem promulgat, si parentes, à quibus nutritus, & educatus est (secluso dolo, aut certis indiciis, & testibus in contrarium) negent esse filium ullo modo, prout deciditur in dict. c. 3. ibi: in hoc casu standum verbis viri & mulieris, nisi certis indiciis, & testibus constiterit, dictum Juvenem esse filium eorum.

Not. 2. quando parentes negant, alij, quem esse filium suum (nisi certa indicia, vel testes sint in contrarium) illis credendum esse, non obstante famam in contrarium; habetur ex cit. c. 3. ubi contra Juvenem (qui allegabat se filium accedente fama vicinæ) judicatum fuit ex negativa parentum assertione. Et quamvis ad probandum filiationem multum faciat fama vicinæ, ut notat Barbos. in cit. c. 3. m. 1. ex ea tamen, etiam accedente altero, quod in talium domo nutritus, & educatus sic adhuc non plenè probatur, parentibus contrarium conscientibus.

Quæstio est 2. an verē probetur filiation, ex confessione & nominatione parentum? respondet Barbos. cit. n. 4. quod sic, si accedant alia indicia confessioni, & nominatione parentum propter se facta; sed difficultas est, quando censeri possit confessio parentum propter se facta? fieri enim potest, aliquem nominari à parentibus filium ex aliis capitibus, quam impulsu paterni affectus. Videtur dicendum, non posse præsumi, alio sine fieri (cum nullus affectus vincat paternum. L. 7. C. de Curat. Furioso) nisi expresse probetur.

contrarium. Quare si quis probaret. 1. Titum natum ex Viro & Uxore, seu concubina domi detenta. 2. quod hi eum filium agnoverint, & nominaverint. 3. quod communis voce vicinæ filius eorum existimat sit, manere probata filiatio; sic ille n. 2.

1480. Confirmari potest ex c. Pervenit. 11. b. t. ubi quædam Lucia vidua, quam aliqui titulò illegitimatis, post mortem parentum ejus, ab hereditate nitebantur repellere, legitima pronuntiata fuit, postquam illa probavit, inter parentes suos fuisse matrimonium legitimum celebratum, simulque, dum viverent, sine reclamacione, quiete permanisse. Nec contrarii quidquam evincere poterant, sola probatione, quod quidem fuerit matrimonium contractum, sed invalidum. Nam proles ex matrimonio, in facie Ecclesiæ, ac publicè contracto, bonâ falcem unius fidei, non propterea (quod tale matrimonium foret invalidum, & separatur) probatur illegitima, nisi simul probetur malafides utriusq; contrabensis, ut constat ex dictis.

1481. Qæstio est 3. an ex sola confessione Patris vel Matris, dicentis, aliquem esse suum filium, rectè probetur quis filius? Viderunt quod sic; nam in cit. c. Transmissa 3. habetur, in hoc casu standum esse verbo viri, & mulieris; Sed Resp. Innegative ex c. per Tuas 12. b. t. ubi Innocentius III. probationem desumptam ex c. Transmissa, non admisit, ad questionem in c. per Tuas, propositam expresse dicens, esse casum dissimilem. Casus in c. per Tuas is fuit. Titus concubinam habuit, prout vicinia credebat, & eam sibi de futuro desponavit; sub hoc ex ea prolem suscepit: deinde vero illam dimisit, aliam acceptit, concubinam putativa alteri nubente: in extremis autem constitutus, eum, quem ex concubina suscepit, filium suum esse legitimum dixit, ac hæredem scripsit. Cum autem dubitaretur, an is esset legitimus? Judex ad affirmandum usus est duplo medio. 1. desumpto ex decretali Alexandri III. in c. Transmissa, ubi dici-

tur: in hoc standum esse verbo viri, & mulieris. 2. receptis testibus legitimis, qui deposuerunt de contractis inter Titum & concubinam Sponsalibus de futuro; ac exinde secutâ copulâ, ex qua susceptus est is, quem parens legitimum dixit, ac hæredem scripsit.

Innocentius III. re ad se delata pro- 1482. nuntiavit, Judicem illum ex secundo medio rectè judicasse, non autem ex primo, quod in c. Transmissa sit casus dissimilis ab eo, qui ponitur in hac controversia. 1. quia ibi parentes tulerunt testimonium contra illum, qui dicebat se illorum filium; hic autem pro illo. 2. ibi dubitabatur, an sit filius? hic non dubitabatur, an sit filius, sed tantum an sit legitimus, nimurum ex matrimonio legitimo? 3. ibi erat verbum amborum, viri, & mulieris; hic tantum solius viri. 4. ibi nullum factum contradicebat verbo viri & mulieris; hic autem verbo dicentis ex concubina prius affidata (hoc est, desparsata) & cognita, susceptum, adeoque legitimum, contradicebat ejus factum; quia eam concubinam dimisit, & tam ille, quam ista, ad alia vota transivit.

Ex hoc igitur medio, quod desumptum fuit ex c. Transmissa 3. b. t. probatio pro ejus legitimitate desumpta, ex sola confessione parentis, etiam in extremis, esse filium suum legitimum dicentis, admissa non fuit; quia haec confessio Patris non habuit eas qualitates confessionis, de quibus in c. Transmissa; fuit tamen admissa sententia illius Judicis ex secundo medio, quia per legitimos testes probatum fuit, inter parentes eius praecessisse affidationem, seu desparsationem, copulâ carnali subsecutâ, quâ jure veteri, rectè probatur matrimonium. Hinc inferes, non stari dicto parentum etiam in extremis, afferentium cum juramento aliquem esse filium legitimum, si verbo eorum contradicantur facta ipsorum, & tractatus præcedens, cum voce communis vicinæ, ut patet ex decisione Innocent. III. in hoc c. per

Tuas, 12. b. t.



Aaa 3

QUÆ.